



BOSNIA AND HERZEGOVINA  
Ministry for Human Rights and Refugees

Broj: JN-01-16-4-30-11/22

Datum: 25.01. 2023. godine

Zamjenik ministra za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14), na Preporuku Komisije za nabavke, broj: JN-01-16-4-30-9/22 od 24. 1. 2023. godine, u postupku nabavke usluga servisiranja vozila, donosi sljedeću:

**ODLUKU**  
**o izboru najpovoljnijeg ponuđača za nabavku usluga servisiranja vozila**

**Član 1.**

Prihvata se Preporuka Komisije za nabavke, broj: JN-01-16-4-30-9/22 od 24. 1. 2023. godine i Okvirni sporazum o pružanju usluga servisiranja vozila se dodjeljuje ponuđaču UNITRADE d.o.o. Ljubuški, ul. Hrvatskih kraljeva broj 23, 88 320 Ljubuški, ponuda broj: 3011/2022 od 30. 11. 2022. godine, za ponuđenu ukupnu vrijednost ponude sa popustom bez PDV-a od 30.010,17 KM, odnosno 35.111,89 KM sa PDV-om, kao najpovoljnijem ponuđaču.

**Član 2.**

Izabrani ponuđač Unitrade d.o.o. Ljubuški je dužan, u roku od 5 (pet) dana nakon što bude obavješten od strane ugovornog organa o rezultatima postupka nabavke, dostaviti dokaze o kvalifikovanosti u skladu sa članom 45. stav (1) tačka c) ZJN. Izabrani ponuđač je dostavio dokaz za član 45 stav (1) tačka (d) ZJN. Ukoliko izabarni ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će biti poništena u skladu sa Zakonom o javnim nabavkama.

**Član 3.**

Okvirni sporazum će se zaključiti sa izabranim ponuđačem na period od 1 (jedne) godine.

**Član 4.**

Ova odluka objavit će se na web stranici Ministarstva ([www.mhrr.gov.ba](http://www.mhrr.gov.ba)), istovremeno sa upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama.

**Član 5.**

Za izvršenje ove odluke se ovlašćuje i zadužuje Sektor za opće, pravne poslove i finansijsko-materijalne poslove Ministarstva za ljudska prava i izbjeglice BiH.

**Član 6.**

Ova Odluka stupa na snagu danom donošenja.

**O b r a z l o ž e n j e**

Postupak javne nabavke pokrenut je Odlukom o pokretanju postupka nabavke usluga servisiranja vozila, broj: JN-01-16-4-30-1/22 od 18. 11. 2022. godine. Javna nabavka je provedena putem konkurentskog zatjeva za dostavu ponuda za nabavku usluga servisiranja vozila. Procijenjena vrijednost javne nabavke je 35.406,83 KM bez PDV-a, odnosno 41.426,00 KM sa PDV-om. Obavještenje o nabavci, broj: 679-7-2-32-3-20/22 od 22. 11. 2022. godine je objavljeno na Portalu javnih nabavki. Tenderska dokumentacija, broj: JN-01-16-4-30-2/22 od 22. 11. 2022. godine i izmjena tenderske dokumentacije broj: JN-01-16-4-30-4/22 od 23. 11. 2022. godine. Komisija za nabavke

imenovana je Odlukom broj: 05-16-4-392-1/22 od 25. 3. 2022. godine i Odlukom o izmjeni Odluke o imenovanju Komisija za nabavke broj 05-16-4-392-2/22, od 19. 4. 2022. godine.

Komisija za nabavke dostavila je ugovornom organu, zamjeniku ministra za ljudska prava i izbjeglice BiH, Zapisnik o pregledu i ocjeni ponuda, broj: JN-01-16-4-30-8/22 od 24. 1. 2023. godine, Preporuku o izboru najpovoljnijeg ponuđača, broj: JN-01-16-4-30-9/22 od 24. 1. 2023. godine i Izvještaj o radu, broj: JN-01-16-4-30-10/22 od 24. 1. 2023., u postupku nabavke usluga servisiranja vozila.

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene tri (3) ponude;
- da je blagovremeno zaprimljena tri (3) ponude;
- da je ponuda ponuđača UNITRADE d.o.o. Ljubuški, kvalifikovana i prihvatljiva i da su dostavljeni svi traženi dokazi propisani Tenderskom dokumentacijom na propisan način.

Komisija za nabavke je u postupku pregleda i ocjene ponuda utvrdila sljedeće:

#### **AC QUATTRO d.o.o. Sarajevo**

Ponuđač **AC QUATTRO d.o.o. Sarajevo** ponudu nije dostavio na način propisan u Tenderskoj dokumentaciji sljedeće:

Tenderskom dokumentacijom u dijelu 3. Uslovi za učešće i potrebni dokazi, tačkom 3.1.3 Tehnička i profesionalna sposobnost,

- pod b) Da je servis tehnički opremljen za servisiranje vozila – najmanje 3 radioničke dizalice, - najmanje 1 optički uređaj za geometriju trapova, - najmanje 1 uređaj za ispitivanje i punjenje klima uređaja, - najmanje 1 uređaj za dijagnostiku. Kao dokaz zahtjeva iz tačke b) predviđeno je (za uređaj za dijagnostiku):

- Potpisana i ovjerena izjava ovlaštenog lica ponuđača pod punom materijalnom i krivičnom odgovornošću da raspolaže sa minimalno jednim uređajem za dijagnostiku koji odgovara marki vozila iz Aneksa 1 tenderske dokumentacije.

Uvidom u predmetne dokaze (potpisana i ovjerena izjava ovlaštenog lica ponuđača pod punom materijalnom i krivičnom odgovornošću da raspolaže sa minimalno jednim uređajem za dijagnostiku koji odgovara marki vozila iz Aneksa 1 tenderske dokumentacije) Komisija za nabavke je utvrdila da dostavljena izjava nije dostavljena na način propisan u tenderskoj dokumentaciji. U Izjavi se navodi: „Kojom ja, direktor privrednog društva „AC QUATTRO d.o.o. Sarajevo, Mirza Alispahić, pod punom krivičnom, materijalnom i moralnom odgovornošću izjavljujem da navedeno privredno društvo je tehnički opremljeno i osposobljeno za tekuće održavanje i opravku motornih vozila, odnosno da društvo posjeduje potreban alat i opremu za opravak i održavanje motornih vozila za VW, uključujući i uređaj za dijagnostiku i kvar, s odgovarajućim softverom i dijagnostičkim konektorom za vozila VW“.

Aneks 1 tenderske dokumentacije, pored vozila iz VW programa sadrži i druge marke vozila (Ford, Audi, Dacia, Renault);

- pod c) Da je servis kadrovski osposobljen za servisiranje vozila, dokaz zahtjeva iz tačke c) Potpisana i ovjerena izjava ovlaštenog lica ponuđača pod punom materijalnom i krivičnom odgovornošću da raspolaže kvalificiranom i stručnom radnom snagom za usluge servisiranja vozila.

Uvidom u predmetne dokaze (potpisana i ovjerena izjava ovlaštenog lica ponuđača pod punom materijalnom i krivičnom odgovornošću da raspolaže kvalificiranom i stručnom radnom snagom za usluge servisiranja vozila) Komisija za nabavke je utvrdila da dostavljena izjava nije dostavljena na način propisan u tenderskoj dokumentaciji. U Izjavi se navodi: „Kojom ja, direktor privrednog društva „AC QUATTRO d.o.o. Sarajevo, Mirza Alispahić, pod punom krivičnom, materijalnom i moralnom odgovornošću izjavljujem da navedeno privredno društvo posjeduje kadrovski obučeno – kvalificirano osoblje za tekuće održavanje i opravku motornih vozila za Volkswagen“.

Vozila predviđena tenderskom dokumentacijom ne obuhvataju samo vozila marke Volkswagen.

Na osnovu naprijed navedenog, zajednički stav Komisije za nabavke je da se ponuda ponuđača **AC QUATTRO d.o.o. Sarajevo** odbacuje, u skladu sa članom 68. stav (4) tačka i) Zakona o javnim nabavkama.

**SARADIS d.o.o. Vogošća**

Ponuđač **SARADIS d.o.o. Vogošća** ponudu nije dostavio na način propisan u Tenderskoj dokumentaciji sljedeće: Tenderskom dokumentacijom u dijelu 3. Uslovi za učešće i potrebni dokazi, tačkom 3.1.3 Tehnička i profesionalna sposobnost, pod b) Da je servis tehnički opremljen za servisiranje vozila – najmanje 3 radioničke dizalice, - najmanje 1 optički uređaj za geometriju trapova, - najmanje 1 uređaj za ispitivanje i punjenje klima uređaja, - najmanje 1 uređaj za dijagnostiku. Kao dokaz zahtjeva iz tačke b) predviđeno je: - Ovjerene kopije upotrebni dozvola za radioničke dizalice, optički uređaj za geometriju trapova, uređaj za ispitivanje i punjenje klima uređaja. Uvidom u predmetne dokaze (upotrebne dozvole za radioničke dizalice, optički uređaj za geometriju trapova, uređaj za ispitivanje i punjenje klima uređaja) Komisija za nabavke je utvrdila da su dostavljene kopije upotrebni dozvola koje nisu ovjerene tj. nisu dostavljene na način propisan u tenderskoj dokumentaciji.

Na osnovu naprijed navedenog, zajednički stav Komisije za nabavke je da se ponuda ponuđača **SARADIS d.o.o. Vogošća** odbacuje, u skladu sa članom 68. stav (4) tačka i) Zakona o javnim nabavkama.

U skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) u slučaju samo jedne validne ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama BiH („Sl. glas BiH“ broj 39/14).

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka zamjenik ministra za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

	Naziv i sjedište ponuđača	Ukupna vrijednost ponude sa popustom bez PDV-a	Ukupna vrijednost ponude sa popustom sa PDV-om
1.	UNITRADE d.o.o. Ljubuški	30.010,17 KM	35.111,89

Na osnovu naprijed navedenog, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđačima,
- Sektoru za opće, pravne i finansijsko-materijalne poslove,
- a/a.